



COUNCIL AAW

DISTRIBUTION GRATIS

VOL.X^oIX. Dec-Jan,2024
Regd : NO 1012 N.E

OFFICIAL ORGAN

LAI AUTONOMOUS DISTRICT COUNCIL

BOIPA CU KAN HUHPHENH NAAK A SI

LAI AUTONOMOUS DISTRICT COUNCIL CHUAN, KUM 2024 ATAN OFFICE
HAWNGIN, INHLAN THARNA HUN HMAN A NI

* LAI AUTONOMOUS DISTRICT COUNCIL CHUAN, KUM 2024 ATAN OFFICE HAWNGIN, INHLAN THARNA HUN HMAN A NI

** PZP GEN. CONFERENCE PU ANDREW LATLANZARA EXECUTIVE MEMBER (M/S) LADC IN A HMANPUI

** CIRCULAR

** PU JB.VANHOY EM SOCIAL WELFARE DEPT LADC A LUANGCHHUAK

** OBITUARY

** EM I/C A&C, CYLA HRUAITU-TE LEH ART & CULTURE DEPT. LADC TE'N JOINT MEETING AN NEI.

** EXECUTIVE SECRETARY, LADC LEH MJA LAWNGTLAI DISTRICT TE'N INKAWMHONA AN NEI

Dt. 10th January 2024 khan Lai Autonomous District Council, Lawngtlai chuan kum 2024 atan Office hawngin inhlan tharna hun LADC Main Complex-ah dar 11:30AM khan neih a ni.

He hunah hian Pu V. Zirsanga Chief Executive Member, LADC chuan thusawiin, thawktute leh a thawhpuite zawng zawng Kumthar Chibai bukna thu sawiin, thuchah a sawi a, he kumtharah hian, LADC thawkte hian hmasawanna tur kawng hrang hrang kan neia, Pension mai turte, hun rei deuh thawk turte kan la awm a, Conduct Rules hi kan ngaih pawimawh thar leh a ngai a ni, Sorkar hnathawk zawng zawng hi CSS (Conduct Rules) 1964 hnuai a kan awm veka, chu chu kan zawm tlan ve a ngai a ni, LADC hnuai a thawkte pawhin kan hriat thar leh a ngai hle a, Sorkar hnathawk kan nih chuan, dan hnuai a awm kan ni tih hriain fimkhur tlang turin kan inchah nawn leh a ni ati.

A sawi zelnaah, vawiin a LADC hnuai thawkte hi kan vanneih zia hria ila, kum 2023 hun chhunga kan Office kaldan kha kan hre theuh ang, tun kumthar hi chuan, hmasawn theuh i tum ang u, Sorkarin Office kai hun chhung a ruahmana, chumi ang chuan kal hram hram kan tum tur a ni, harsatna neih chang a awm ve thin, chung hunah chuan hotute hrilh hriat thin tur a ni. Kan Office hi a chhunga chengte hian kan vawng zahawm tur a ni a, taimak I chhuah hram hram ang u ati.

Pu VL. Hmuaka, Chairman LADC pawhin thusawiin LADC hian nasa takin hma kan sawna, kan thawktute thawhrimna ah lawmthu kan sawirualin hma sawn zel tur erawh kan ni, dan siam kawngah hmasawn kan ngaia, dan zawm kawngah pawh hma kan sawn a ngai bawka, eng thil pawh ti ila, dan kan zawm hian a him a ni, a ti.

He kumthar in hlanna hi, Pu K. Lalramliana, Executive Secretary, LADC chuan kainhruiin, Rev Dr.LH. Lalpekhlua AGS (S) LIKBK chuan Hunserh hmangin fuihna thu a sawi bawk.

He hunah hian Kum 2023 leh Kumthar a, LADC thawktute Boralte sunna hun hman a ni a, Kum 2024 atana thawktute in hlantharna hun hmangin tawngtai rualna neih a ni bawk.



Editorial Board

Editor

C. Lawmsangzuala
I & PRO

Publisher

The Executive Secretary,
Lai Autonomous District Council
Lawngtlai.



Editorial..

Pathian hruaina leh khawngaihna avangin, kum 2024 kumthar chu kan lo chuangkai leh ta, a lawmawm hle.

Kan ram leh hnam Office pui ber chu LADC Office a ni tih kan hre theuh a, LADC Office ti hmingtha a ti hmingchhe theitu kan ni tih hi i hre nawn fo ang u.

Sorkarin Sorkar hnathawkte tih tur leh tih loh tur mumal takin Dan a siam thin a, chu chu tha taka kan zawm a pawimawh a ni.

Sorkar hnathawk Politic thila inhnawm hnawih awm ni awm taka thuthang awm thinte hi a pawihle a, fimkhur tlang ila, Office kal hun chhunga Office room ruak deuh huaia a awm Chang a awm em theia, chu chuan Office a ti zahawmlo thei a ni tihte pawh hi hretlang ila, he kumtharah hian tan ila thar leh theuh ang u.

Office hun chhungah thil tul chi hrang hrang kan nei theia, chung hunah pawh chuan, thu neitute hriat tir thin hi a finthlak thin a, Ram leh hnam Office pui ber a nih angin, mipui Office dawr duhte ti buai lo zawnga hun hman dante pawh hi ngaihtuah ila, kan chhuah atul viau a nih pawhin, thu kal lam leh haw lam hlangchhawng thei tur room nghak pakhat tal indah thin ila, atha khawp mai, hma isawn zel ang u.

PANG ZIRLAI PAWL (PZP) GEN. CONFERENCE PU ANDREW LATLANZARA EXECUTIVE MEMBER (M/S) LADC IN KHUALLIAN NIIN A HMANPUI

Dt. 10th, January 2024 Khan Pang Zirlai Pawl Gen. Hqrs Conference Vawi 35-na Vathuampui Playground 'Nawldar Inpui' a neih chu, Pu Andrew Latlanzara E.M. (M/S) LADC chuan khuallian niin a hmanpui.

Pu Andrew Laltlanzara chuan thusawiin, Zirlai pawlte chu, ram leh hnam inngahna annih avangin, kan thiltih kawng tinrengah rintlak leh belhchian dawl kan nih a tula, thil thalo leh diklo titute chu, huaisen takin kan do ngam a hun tawha, Zirlai Pawlte hian hma kan hruaia, huaisen takin ke kan pen atul a ni. Kan hnam, nunphung leh Culture humhalhna kawngah pawh hmahruaitu kan ni tur ani a, kan kutah a awm ani tih in hriat ka duh, Zirlai Pawl kan nih angin, zirna hi kan ngai pawimawh ber thin tur a ni. Tunlai khawvelah chuan, zirlaite hian rual kan el nasat atul ta hle a, lekhathiam ni mai lovin, thiam na bik neih a tula, thiamna tak tak nei mi chhawrtlak ngei nih kan tum tur a ni, a ti.

Pang Zirlai Pawl hruaitu te atang pawhin hengte hian thu an sawi baw, Pu Samson Lalthanzama PZP Gen. Hqrs President, Pu Lalthianghlina MZP Gen.Hqrs President, Pu Samuel Zoramthanpuia MSU Gen.Hqrs President te'n fuihna thu leh, zirlaite chu zirsanna mai ni lo, chhawrtlak leh thiamna tak tak kan neih atul tawh ani tia fuihin ram leh hnam humhalh tur leh nupui pasal neih kawngah pawh kan fimkhur a ngai ta hle a, hnamdang lakah pawh kan thikthu kan tih chhriat deuh pawh a ngai ta hle mai tiin fuihna thu an sawi baw, zirlai tithate chawimawina thuziak sem niin, Gabriel Lalrinsiana Vice President PZP Gen. Hqrs chuan he hun hi a kaihuai baw a ni.

CIRCULAR

Kum 2023 chhungin Lai Autonomous District Council hnuaiathawktu zingah mahni hna ngai pawimawh lova Office Timing zawm thalo mi engemawzat an awm thin tih hriat a ni. 2024 kum thar atang chuan Office Timing hi ngai pawimawha zawm turin LADC hnuaiathawktu zawng zawngte hriattir nawn leh an ni.

Office kai hun hi Winter Season leh Summer Season-a then a ni a. Winter Season-ah 9:00AM - 4:PM niin Summer Season-ah 9:00AM-5:00PM a ni. He Office Timing hi dik taka vawna zawm tur a ni a, hemi ngai pawimawh lote chu a tul anga en zui an ni ang.

Office Timing vawn chungchangah mahni Department / Office theuhah khawng taka hma la a, phalna nei lova office kailo leh Office Timing zawm lote chu an phutawh hremna pe turin Head of Department/Head of Office zawng zawngte hriattir an ni.

Sd/-
(K. LALRAMLIANA)
Executive Secretary
Lai Autonomous District Council Lawngtlai

Dt 22nd December 2023 khan Pu JB. Vanhoy EM Social Welfare Dept LADC chuan, Sangau Paniel Children Home-tlawhin Krismas chibai bukna neiin Krismas hlim taka an hman theih nan thil pek chi hrang hrang a hlan.

Pu JB.Vanhoy EM chuan thusawiin, helai hmuna awm zawng zawngte leh thawktu zawng zawngte chu fakawm atih thu leh a theih ang tawka tanpui a in huam thute sawiin, an hnathawhna kawng hrang hrangah, Pathian malsawmna an chan theih nan duhsakna a hlan tih sawiin, an mamawh chi hrang hrang :-

Pawisa fai cheng 10,000/ (Singkhat) leh Sintex - (1000 ltr)-1, Silpaulin-1, Blanket-10, No(Cup)-20 leh Football-1 a hlan ani.

Pu JB. Vanhoy EM hi, Sangau Jt VC Chairman Pu F.Rozuala leh Sangau-III VCM Pu J.Remchunga ten an mawiawm a ni.

OBITUARY



**NO. A.28018/1/2-23-LADC/GAD/P&ARW
LAI AUTONOMOUS DISTRICT COUNCIL
GENERAL ADMINISTRATION & CONTROL DEPARTMENT
[PERSONNEL & ADMINISTRATIVE REFORMS WING]**

Dated Lawngtlai the 15th November, 2023

OBITUARY

With profound grief and sorrow, the Lai Autonomous District Council has learnt the sad and untimely demise of Pu H. Lalruatkima, Executive Secretary of the Lai Autonomous District Council on 10th November, 2023.

According to official records, Pu H. Lalruatkima was born on 1st May, 1966. He entered into service as Group-B Officer of the LADC General Service on 17th May, 1990 and served under the Lai Autonomous District Council with various capacities as shown below :

1. *District Council Industry Officer*
2. *Information & Public Relations Officer*
3. *Assistant Revenue Officer at Vathuampui*
4. *Assistant Revenue Officer at Sangau*
5. *Assistant Education Officer*
6. *Taxation Officer*
7. *Under Secretary (District Council Secretariat)*
8. *Under Secretary (General Administration Department)*
9. *Art & Culture Officer*
10. *Ex-Officio Judicial Magistrate in the District Council Court*
11. *Education Officer (Middle School)*
12. *President & Recorder (District Council Court)*
13. *Executive Secretary, Lai Autonomous District Council till date*

He served the Lai Autonomous District Council with utmost sincerity and devotion and endeared himself to all his colleagues. He always proved himself to be a conscientious Officer of the Lai Autonomous District Council

The Lai Autonomous District Council places on record its deep appreciation of the sincere services rendered by Pu H. Lalruatkima, Executive Secretary, Lai Autonomous District Council and conveys its heartfelt sympathy to the bereaved family.

**Sd/- K. LALTHANZARA
Executive Secretary
Lai Autonomous District Council
Lawngtlai : Mizoram**

PU BN. THANGPUA EM (A&C) HOVIN CYLA HRUAITU-TE LEH ART & CULTURE DEPT. LADC TE'N
JOINT MEETING AN NEI.

Dt.17th January, 2024 khan Pu BN. Thangpuia, Executive Member i/c Art & Culture Dept, etc., LADC Room-ah CYLA hruaitu-te leh Art & Culture Dept-te'n Joint Meeting an nei a, kum 2024 Hlukkha hmanna tura tul leh pawimawhte sawiho a ni.

Pu BN. Thangpuia E.M. chuan he meeting hi a kaihruaia, kum 2024 Hlukkha hmanna tur chungchangah ruahmanna thenkhat siam a ni a,

Hlukkha Organising Committee 2024 chu hetiang hian din a ni:-

- 1. **Chairman:** Pu T. Chalngingluaia, Art & Culture Officer, LADC.
- 2. **Vice Chairman:** Pu HC. Vanlalruatpuia President CYLA.
- 3. **Secretary:** Pu Joseph Lalhmingthanga Chinzah, Gen-Secretary CYLA.
- 4. **Treasurer:** Pu F. Lalrothanga, Vice President CYLA.
- 5. Joint Secretaries: (i) Pu V. Lalengvara, Lawngtlai Vengpui.
(ii) Pu Lalngaihzuala Fanchun, Lawngtlai College veng.
(iii) Pu C.Lalmachhuana, New Vengpui Lawngtlai.
- 6. **Ex- Officio:** (i) Pu BN.Thangpuia EM Art & Culture Dept, LADC.
(ii) Pu K. Lalramliana Executive Secretary, LADC.

Committee members:-

- 1. Pu LH. Ramdingliana, AA& CO.
- 2. Pu T. Chawnthangpuia, Librarian.
- 3. Pu C. Lawmsangzuala, I & PRO LADC.
- 4. Pu R. Lalrampana, Treasurer CYLA.
- 5. Pu T. Rohlupuaia, Fin-Secretary CYLA.
- 6. Pu T. Lalremsanga, AGS CYLA.
- 7. President or Secretary; LWA.
- 8. President or Secretary; LUP.
- 9. President or Secretary; LSA.
- 10. President or Secretary; AFL.
- 11. President or Secretary; Lai Phuntungtu.
- 12. President or Secretary; Save Lai holh.
- 13. President or Secretary; Laihla Dirhkamh bu.
- 14. President or Secretary; MJA.
- 15. President or Secretary; PPA.

Organizing Committee Member atana ruatte hian, ram leh hnam tan a nih avangin an pawm ngei beisei ani a.

PU K. LALRAMLIANA EXECUTIVE SECRETARY, LADC LEH MJA LAWNGTLAI DISTRICT TE'N
INKAWMHONA AN NEI

Dt.19th, January 2024 khan, Pu K. Lalramliana, Executive Secretary, LADC chuan, MJA Lawngtlai District-te chu a Room-ah lengah sawmin, inpawh tlang takin inkawm hona an nei, Pu K. Lalramliana, Executive Secretary chuan inkawm hona hun an nei thei chu lawmawm atih thu leh MJA te nen thawhhona tha tak an neih avangin lawmthu a sawi.

Pu Lalnggheta Ralte, President MJA Lawngtlai District pawhin LADC te nen thawhhona tha tak an neih avangin lawmthu a sawia, thil pawimawh chi hrang hrang sawihona hun hman a ni bawk.